



Rabu, 15 Mei 2024

Ogen : **Sepanya 3:9-13**



**Nggit Reh Man Tuhan**



Lit kin dalanna kita terkelin adi siperdiateken kerina lagu langkahta si la mehuli? Lit kin gegehta mulahi dirinta i bas ukumen si jahat nari?

Meluat kal lagu langkah bangsa Israel, itulakna perbahanen si bujur, itindihna kalak musil, rangap, la mediate ku bas undang-undang Tuhan. Perbahannenna si jahat e la ngena ate Tuhan, e maka iukumna bangsa e ras bangsa-bangsa sekelewetna. Sura-suraNa gelah bangsa e robah. Tapi, mulihken bangsa e ngelakoken bagi si enggo-enggona. Itetapken Tuhan engkernepken bangsa-bangsa ras kerajaan-kerajan, kerina doni kernep erkiteken api pernembah ate Tuhan.

Kenca si e isalihken Tuhan cakap bangsaNa jadi cakap si badia. Ipekena-kena Tuhan bangsaNa, seh maka kerina bangsa si tading e ngikutken Tuhan. Man baNa ia ertoto, lanai man dibata-dibata sideban. BangsaNa si tading i negeri si ndauh nari pe reh maba persembahen man Tuhan. I je iapuli Tuhan bangsaNa mulihi, la ia perlu mela nandangi perbahannenna si jahat gelgel nari sabap enggo ialemi Tuhan ia kerina. Itamaken Tuhan man bangsana kalak si musil ras si meteruk ukur gelah kerina ia reh mindo penampat man Tuhan. Lanai ia nggit erbahan si jahat man ise pe dengen la icubakenna nipu. Senang me kegeluhen bangsa Israel, la ia mbiar man ise pe. Bage me mehulina Tuhan man bangsaNa, iukumNa si jahat, tapi dungna ialemiNa ras ipekena-kenaNa.

Labo kepe kita, tapi Tuhan nge si erbahansa kita jadi kalak si mehuli. IalemiNa kita i bas dosa ras kejahatenta, itamakenNa perukuren si mehuli man banta seh dungna si eteh man ise arusna kita ersembah. Itandai Tuhan kita ras kengasupenta. Ipekena-kenaNa kal kita gelah kita nggeluh mejuah-juah.

*☞ Tuhan erbahanca kita jadi kalak mehuli*